


# KOMMUNIMUT PILERSAARUMMUT TAPILUSSAQ 4C6-1

## Atuarfik Hans Lyngemik alliliineq, Nuuk

Februaari 2018



KOMMUNEQARFIK SERMERSOOQ  
Sanarfinermut Avatangiisinullu Ingerlatsivik  
Forvaltning for Anlæg og Miljø

## **Kommunimut pilersaarummut tapiliusseq sunaava?**

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusionermut inatsit naapertorlugu (Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusionerup kommunillu pilersaarusionerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniipput.

## **Tamanut nalunaarut**

Kommunimut pilersaarummut tapiliusseq 4C6-1 inaarutaasumik atuutilersutut tamanut nalunaarutigineqarpoq ulloq 14.03.2018.

**Kommuneqarfik Sermersooq  
Sanarfinermut Avatangiisinullu Ingerlatsivik  
Postboks 1005  
3900 Nuuk**

## **Pilersaarut sumi atuarneqarsinnaava?**

Pilersaarut Nunatta Atuagaateqarfiani imaluunniit kommunip nittartagaani [www.sermersooq.gl-imi](http://www.sermersooq.gl-imi) atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

**IMARISAI**


<b>1</b>	<b>NASSUIAAT</b>	<b>4</b>
	1.1 PILERSAARUSIORFIK	4
	1.2 SIUNERTAA TUNNGAVIILU	5
	1.3 PISSUTSIT ATUUTTUT	5
	1.4 PILERSAARUMMI PINGAARNERIT	6
	1.5 PILERSAARUMMUT TAPILIUSSAP INATSISITIGUT ATUUFFII	6
<b>2</b>	<b>AALAJANGERSAKKAT</b>	<b>7</b>
	2.1 PINGAARNERTUT AALAJANGERSAKKAT	7
	2.2 AALAJANGERSAKKAT SUKUMIISUT	9
<b>3</b>	<b>AKUERSINERMUT UPPERNARSAAT</b>	<b>13</b>
<b>4</b>	<b>ASSI ILANNGUSSAQ</b>	<b>14</b>

## 1 NASSUIAAT

Una tapiliusseq immuni kommunimut pilersaarummut tapiliussat 37-saat uunga "Nuummot pingaarnertut aqqjissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atornerqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

### 1.1 PILERSAARUSIORFIK

Immikkoortoq illoqarfiup ilaani Qinngutsinni inissisimavoq – Atuarfik Hans Lyngep pioreersup kitaani – avammut najugaqarfiusut killeqarfialugit, kangimut Hans Lyngep Aqquserngata tungaanut, kujammut qitiusup tungaanut kimmullu Unaap tungaanut.



#### Ilisarnaatinut nassuiaatit

Immikkoortup ilaa pioreersaq	Inissiaqarfik A	Nunaminertaq sanaartorfigeqqusaangitsoq D
Immikkoortup ilaa nutaaq	Siliffeqarfik B	Teknikkikkut atororissaarutit kiisalu attaveqaatitigut atororissaarutit E
Inissiat/illut pioreersut	Illoqarfiup qeqqa C	

*Pioreersunut killigitat immikkoortullu ilaa nutaaq titarnernik aappaluttunik ilisarnaateqarput.*

Kommunimut pilersaarummut tapiliusseq Kommuneqarfik Sermersuumut Kommunimut pilersaarut 2028-mut, ilutsini pingaarnerni ataatsimoorussassatut

siunertatut isikkoqartunut, qiterisaqarfittut siunertanut atugassiissutigineqartoq, ilaatinneqarpoq.

Kommunimut pilersaarummut tapiliassaq atorlugu immikkoortup ilaanik nutaamik inissiisoqassaaq, immikkoortullu atuuffia qitiuffinngortinneqassalluni tamanut atuuffiususaaq.

## 1.2 SIUNERTAA TUNNGAVILU

Kommunimut pilersaarummut tapiliussaq suliaavoq, Atuarfik Hans Lyngemi ingerlariaqqiffissanik (8-10 klasse) inissaqartitsiniarluni nutaanik sanaartorsinnaanissamut periarfissaqartitsinissaq siunertaralugu .

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunnarlugu
- Atuarfik Hans Lyngep sanaartornikkut allisinneqarnissaanik periarfissinissaq
- Immikkoortoq, pioreersut avatangiisillu eqqarsaatigalugit aalajangiiffigineqassasoq
- Atuartunut allanullu atuisunut aneertarfiit pitsaasut assigiinngitsunillu atuuffillit qularnaarnissaat
- Innartalimmit aamma Norsamit immikkoortumut aqquteqarnissaa qularnaarneqassasoq, assi ilanngusaaq 4C6 takuuk

## 1.3 PISSUTSIT ATUUTTUT

Immikkoortup ilaa katillugu 0,9 ha missaanik nunaminertaqarpoq, sanaartorfigineqarsimananilu immikkoortumit Norsamit Innartalimmut kujammut sulinermi aqqusiorfigineqarsimalluni. Immikkoortoq nunatamigut qattunersaqarpoq (aqqusinniuutinik qaartiterneqarsimasoq) 50 kote missaanniit, tassannga nuna Unaap tungaanut avannamut kimmut Suloqqap tungaanut kujammut kangimut pukkiliartorpoq. Immikkoortoq Qinnngutta qiterpasissuaniippoq, qaqqallu Ukkusissat naqqani nunami naggorissumi, imeqarfimmit Qallussuarmit kuuttumit pilersinneqartumik inissisimavoq.

Qanittuani sanaartorfik qitiusoqarfik pisiniarfinnut aamma Atuarfik Hans Lyngep immikkoortup kangiani ilaavoq. Sammivinni allani, avammut illunik takisuunik kujammullu illunik immikkuullarissunik nutaajunerusunik najugaqarfiliaqarpoq. Atuarfik Hans Lyngep, Nuummi kommunip atuarfiisa tallimaasut ilagaat. Atuarfik 2011-mi pilersinneqartoq nutaajunerpaavoq, ullumikkullu 450-t missaannik atuortoqarluni 40-llu missaannik ilinniartitsisoqarluni.

#### 1.4 PILERSAARUMMI PINGAARNERIT

Kommunimut pilersaarummut tapiliussaq suliaavoq, Atuarfik Hans Lyngemi ingerlariaqqiffissanik (8-10 klasse) inissaqartitsiniarluni nutaanik sanaartorsinnaanissamut periarfissaqartitsinissaq siunertaralugu Taassuma saniatigut atuuttunut ilaasutut aneertarfiit, timersornermut sammisaqarnermullu inissaq, biilnut inissiivimmik allanillu pilersitsisoqarsinnaavoq.

Immikkoortumi atuarfimmu quleriimmik nutaamik sanaartorfiusussamik 3.500 m<sup>2</sup>-mik periarfissiisoqarpoq. Inissianut atasunik silami aneerfissanik sanasoqassaaq, tassanilu pinnguartarfik arsaaffik allallu sanaartorneqassapput, atuarfinnut sanaartornermi ataatsimut angissutsip 60 %-anik.

Kommunimut pilersaarummut tapiliussaq, atuarfiup 8-10 klassenut ingerlaqqiffiliilluni atuuttariaqartut ilanngullugit alliliinissaanut, taamaalilluni periarfissiivoq.

#### 1.5 PILERSAARUMMUT TAPILIUSSAP INATSISITIGUT ATUUFFII

##### **Inaarutaasumik inatsisitigut sunniutit**

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni.

*(Pilersaarnermut inatsimmi § 29)*

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. *(Pilersaarusiornermut inatsimmi § 30)*

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpoq. Nikingasoornernit pingaarnernit aamma aalajangersakkanit pingaarnernit nikingasoornernit pissutigalugit nutaamik kommunimut pilersaarummut tapiliussaliortoqassaaq. *(Pilersaarusiornermut inatsimmi § 50)*

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.



## 2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertut pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

### 2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
<b>1. Siunertaq</b>	
Inissianut siunertat	<b>Nalinginnaasumik atuineq:</b> C – Qeqqani siunertanut <b>Immikkut ittumik atuineq:</b> C2 - Ataatsimut siunertarisaq

<b>2. Atorneqarnera</b>	
Immikkoortup inissialiornissamut siunertaqarluni, quleriinnik inissianik sanaartorfittut atorneqarnissaa aalajangerneqarpoq.	Immikkoortup ataatsimut siunertaqarluni Atuarfik Hans Lyngep allilerneqarneranut allanullu atuuttussanut atorneqarnissaa aalajangerneqarpoq.
<b>3. Sanaartukkat</b>	
Quleriit pingasut angullugit portutigisunik nutaamik illuliortoqarsinnaavoq.	Quleriit pingasut angullugit portutigisunik illuliortoqarsinnaavoq.
<b>4. Inissaqassuseq</b>	
Immikkoortoq inissianut 50-nik amerlatigisunut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani illuliornissanut periarfissat nunguppata immikkoortup ilaa tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.	Immikkoortoq 0,9 ha-it missaannik annertussuseqarpoq. Immikkoortoq inissianut 3.500 m <sup>2</sup> -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.
<b>5. Eriagisariaqartut</b>	
Qaqqajunnap ilusereqqaagaa attatiinnarniarlugu immikkoortup ilaani qaqqajunnat marluk tamarmik sanaartorfineqannginnissaat qulakkeerneqassaaq. Sumiiffimmut pisulluni aqquteqalernissaa qularnaarneqassaaq.	<i>Immikkut ittunik aalajangersagaqanngilaq</i>
<b>6. Nunaminertat piunasaqaatitaqarfiusut</b>	
Immikkut ittunik killiliussaqaqarpoq mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	Immikkut ittunik killiliussaqaqarpoq mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.
<b>7. Aqqusinertigut angallaneq teknikkikkullu pilersuinerit</b>	
Sumiiffik Suloqqamut aqqusineqarpoq.	Immikkoortoq Innartalimmit aamma Norsamit aqquteqassaaq.



<b>8. Illoqarfimmik nutarterineq</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
<b>9. Immikkoortukkuutaat</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

## 2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanik sukumiisunit immikkut akuersissuteqartoqarsinnaavoq.

<b>Immikkuualuttoq 1</b>
<b>1. Inissialiat inissinneqarnerat</b>
<p><b>Imm. 1:</b> Sanaartukkat inissialiallu nutaat assimi ilanngussami 4C6-mi sanaartorfittut takutinneqartutut inissinneqassapput. Tamanna aamma illunut mikinerusunut soorlu sikkiliisivinnut, sakkuusivinnut, teknikkimut atortuusivinnut/atortulersuutitut assigisaannullu atuuppoq.</p> <p><b>Imm. 2:</b> Sanaartukkat nutaat 1-3-nik qulereeqarsinnaapput, portunerpaamik 12 meterit angullugit. Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuinernut ilaatinneqanngillat.</p>
<b>2. Inissialiat isikkui</b>
<p><b>Imm. 1:</b> Nutaanik sanaartornerit avatangiisiniittut eqqarsaatigalugit ilusilersorneqarlutillu immikkut akuerineqassapput.</p> <p><b>Imm. 2:</b> Sanaartorfissani ataasiakkaani illuliat illulioriaaseq, atortussat qalipaattillu eqqarsaatigalugit ataatsimoortutut isikkoqartinneqassapput.</p> <p><b>Imm. 3:</b> Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, savimerngit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.</p> <p><b>Imm. 4:</b> Qaliat qaavi minnerpaamik gradinik sisamanik uingatillugit aamma qalissiamik taartumik, zinkimik, kanngussamik, qisunilluunniit qalliuserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.</p> <p>Aniinganerussaasut, qaliat igalaarisinnaasaat assigisaallu qaliat qaavini naleqquttumik inissinneqassapput.</p> <p><b>Imm. 5:</b> Seqerngup qinngornerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.3 takuuk.</p> <p><b>Imm. 6:</b> Tummeqqat qalialiartarfiit illup timitaanut ilaatinneqassapput.</p>

<p><b>Imm. 7:</b> Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.</p> <p><b>Imm. 8:</b> Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaat 2 m<sup>2</sup>-it sinneqassappata ikkussinissamut Kommuneqarfik Sermersuumut qinnuteqaateqartoqassaaq.</p> <p><b>Imm. 9:</b> Illut silataat ullup unnuallu ingerlanerani matoqqasunik assiaquteqartinneqartassanngillat. Igalaat ungataanni ungaluusat akimut ersittut akuerineqarsinnaapput.</p>
<p><b>3. Aqquserngit aqqusineeqqallu</b></p>
<p><b>Imm. 1:</b> Aqqusernit Innartalimmit aamma Norsamit aqquteqassapput, assi ilanngussaq 4C6 tunngaviusoq takuuk.</p> <p><b>Imm. 2:</b> Immikkoortut aqqusineeqqallu qanittumiittut atorneqarsinnaanissaat qularnarneqassaaq. Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.</p> <p><b>Imm. 3:</b> Immikkoortumi kommunimut pilersaarummi aalajangersakkat nalinginnaasut naapertorlugit biilinit inissiisarfillortoqassaaq.</p> <p>Ataatsimut biilinit unittarfiornermut tunngatillugu elbiilinit immiisarfissanik nappaasoqarnissaa periarfissaqassaaq.</p> <p>Taamatuttaa qikkilini inissiivimmik qulisamik naammaginartumik angissusilimmik pilersitsisoqassaaq.</p> <p><b>Imm. 4:</b> Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 20,0 meterinik qaninnerusumik aqqusernermut Unaap tungaanoortut, immikkoortullu ilaanut aqqusernup qeqqanit aqqusinerineqalersunut Tuukkamut aamma Norsamut 12,0 m aamma 7,5 meterinik qaninnerusumut inissinneqassanngillat.</p>
<p><b>4. Nunaminertat sanaartorfigineqanngitsut sunngiffimmilu atortulersuutit</b></p>
<p><b>Imm. 1:</b> Nunaminertat sanaartorfigineqanngitsut, sammisassanut aamma pinnguartarfittut, arsaaffittut assigisaannillu aneerfissatut inissinneqassapput.</p> <p>Nunaminertat sanaartorfigeqqusaanngitsut uninngatitat sanaartorfigineqarsinnaanngillat, taamaallaalli ingerlatsinermit pisariaqartunik illunut atuuttunut tunngasunik sanaartorfiusinnaapput.</p> <p><b>Imm. 2:</b> Immikkoortumut atuuttumut tunngassutilimmik aneerfissamik kisitsiliussat tunngavigalugit pilersitsisoqarsinnaavoq:</p> <ul style="list-style-type: none"> <li>• Atuarfik: angissusiliunneqartup ataatsimut angissusaata 60 %-ia</li> </ul> <p>Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.</p> <p><b>Imm. 3:</b> Immikkoortut aqqusineranut, aqqusineeqqanut, biilinit inissiisarfinnut aamma ataatsimoorullugit uninngaartarfinnut atugassiissutigineqarsimanngitsut sanaartorfigineqassanngillat aammalu uninngaartarfinnut pinngortitatut isikkoqartut atugassiissutigineqassallutik.</p>
<p><b>5. Teknikkimut atortulersuutit</b></p>
<p><b>Imm. 1:</b> Inissialiat nutaat pisortat innaallagissamut imermullu aqquataaannut aamma kuuffissuaataannut attavilerneqassapput.</p> <p><b>Imm. 2:</b> Imikoq qasertoq imikorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusineranut, aqqusineeqqanut</p>

<p>nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p> <p><b>Imm. 3:</b> Pilersuinermut aqqudit tamarmik nunap iluatigoortinneqassapput. Ledninginik inuup allap allangortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p><b>Imm. 4:</b> Immikkoortup ilaani teknikkikkut atortulersuutit immikkoortup ilaanik pilersuineranut atortut soorlu sakkortusaaviit, biilnut innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut kusanaaqutaatinnagit inissinneqassapput.</p>
<p><b>6. Nunaminertat sanaartorfigineqanngitsut</b></p>
<p><b>Imm. 1:</b> Illuliat nutaat sapinngisamik nuna allangortinnagu naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p> <p><b>Imm. 2:</b> Assimi ilanngussami 4C6-mi takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.</p> <p><b>Imm. 3:</b> Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.</p> <p><b>Imm. 4:</b> Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq.</p> <p><b>Imm. 5:</b> Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaaliisoqqaqusaanngilaq.</p>
<p><b>7. Eriagisassaq</b></p>
<p><i>Immikkut ittunik aalajangersagaqanngilaq</i></p>
<p><b>8. Pinngortitap illersorneqarnissaanik soqutiginninnerit</b></p>
<p><i>Immikkut ittunik aalajangersagaqanngilaq</i></p>
<p><b>9. Nunaleraluni nunamik atuinissamik soqutiginninnerit</b></p>
<p><i>Immikkut ittunik aalajangersagaqanngilaq</i></p>
<p><b>10. Ataatsimut atortulersuutit</b></p>
<p><b>Imm. 1:</b> Immikkoortumi 3.3-mi biilnut inissiisarfiliornissat pillugit aalajangersakkat takukkit.</p> <p><b>Imm. 2:</b> Immikkoortut 4.1 aamma 4.2. silami uninngaarfiit pillugit aalajangersakkat takukkit.</p>
<p><b>11. Piginnittut peqatigiiffii</b></p>
<p><i>Immikkut ittunik aalajangersagaqanngilaq</i></p>
<p><b>12. Avatangiisinik mingutsitsinermi killissaritaasut</b></p>
<p><b>Imm. 1:</b> Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p>

<b>13. Illut nukissiuutinik atuinikitsut</b>
<i>Immikkut ittunik aalajangersagaqanngilaq</i>
<b>14. Atuinissamut piumasaqaatit</b>
<b>Imm. 1:</b> Ima pisoqaqqaartinnagu illuliat nutaat iserterfigineqassanngillat: <ul style="list-style-type: none"><li>• immikkoortoq 3 naapertorlugu biilnut inissiisarfiliorneq.</li><li>• immikkoortoq 4 naapertorlugu silami uninngaarfinnik pilersitsineq.</li><li>• pisortat pilersuutaannut attavilernerit.</li><li>• inaarutaasumik nunagissaanerit naammassineqarnerat.</li></ul> <p>Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.</p>


### 3 AKUERSINERMUT UPPERNARSAAT

Kommunit pilersaarummut tapiliussaq una 4C6-1 Atuarfik Hans Lyngemik alliliineq, Nuuk, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Asii Chemnitz Narup  
Borgmesteri



Lars Møller Sørensen  
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ  
Sanarfinermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 4C6-I  
Kommuneplantillæg 4C6-I

Ilanngussaq I, Immikkoortoq 4C6  
Bilag I, Delområde 4C6  
Aggusti 2017 / August 2017  
Uutuut 1: 2000 / Mål 1: 2000  
A4